

Հարեւանները դռները բանալիով փակուած են:

Տօն օրերին, ճաշից յետոյ չեն վիճուած: Մաքուր հագնուած, թեւը թեւին, գնում են բուլվար ման գալու: Լուռ ու մունջ նստում են ծառերի տակ, նայում անցորդներին ու վերադառնում տուն:

Ամբողջ օրը մնում են փակուած եւ լուռ:
* * *

Այս տան մէջ ուտելիքին մեծ նշանակութիւն են տալիս: Պատշգամի միւս հարեւանս իր առած միւսը ցուցադրում է ամենքի առջեւ: Մօտենում է, նայում է, երկու մատով զգուշօրէն բարձրացնում է օդի մէջ, պտտցնում, չորս կողմը նայում: Եթէ մէկը տեսնի, խորհրդածութիւններ է անում:

— Դարուրդա ա, խորովածի համար լաւա... Այսօրուան օրս դասաբները չո՛ւն են դառել, ուզած միտք չեն տալիս. բայց ինձ տալիս ա, լաւ մուշտարի եմ...

Ժամերով կրակը փչում է: Թեւերը ծալում ու շատ լուրջ դէմքով մսի կտորները շամփուրին անցնում:

Սենեակից, քարձը պոռում է, որպէսզի բոլոր բնակիչները լաւ լսեն:

— Աղջի, Սո՛նա, շամփուրը լա՛ւ դարձուր, իւղերը թափում են:

Բախում, պառաւ կնոջ թոռնիկները, աչքերնին վեր, թուրք կուլ տալով, սոված կատուների նման նայում են:

Պառաւ կինը տեսնում է, բարկացած դուրս պրծնում: Տղաքներին ծեծում, աղմկում ու ձայնը դլխին՝

— Տօ՛, չո՛ւներ, կորկոտը իւղալի մսով եփել եմ, առջեւիդ դրել, չէ՛ք ուտում, հիմա էլ եկել ուրիշի՞ կերածին էք նայում:

Հարեւանները դուրս են գալիս:

Պառաւը բացատրում է:

— Կերակուրը լիքը լիքը ամանով չեն ուտում, մսերը թափում եմ շներին, խորովածը պաղում ա, եկել են ուրիշի մի կտոր միսին են նայում: Անքաղաքավարներ: Վա՛յ ձեր հօրը, որ այդ տեսակ լակոտներ ունի...

Ամենքը հասկանում են, թէ կորկոտը եփուել է պառաւի երեւակայութեան մէջ միայն, թէ չուն չկայ, որին միսերը նետէ, թէ պառաւը պարզապէս նախանձում է հարեւանի

խորովածին եւ թէ խեղճ երախաները մեղք չունեն:

Սորովածի տէրը հասել է իր նպատակին, գոհ է, պատշգամի վրայ ման է գալիս ու երկու մատներով ահուաներից մսի կտորներ հանում:

* * *

Չմեռ է, բայց պատուհանի մօտ, սենեակի անկիւններում, դեռ մթեղներ կան:

Ամէն տեսակ միջատներ:

Լուացուելու տեղ չկայ: Լոյս չկայ, մոմ ենք վառում:

Մի պատուհան կայ՝ անկարելի է բանալ, բակը իր աղբով ներս կը խուժի: Տեղ չկայ շարժուելու, տեղ չկայ կարդալու, գրելու:

Արտասահմանում, երախաներիս այնքան լաւ բաներ պատմեցի «մեր Հայաստանի» մասին եւ հիմա ամաչում եմ: Նայում են բիշբիշ աչքերիս մէջ, տխուր, մելամաղձոտ:

«Սպասելու է, այս սենեակը ժամանակաւոր է, դեռ տեսնէք ինչեր պիտի լինեն»... Լըսում են, ուզում են հաւատալ, եւ զգում եմ՝ չեն հաւատում: Եւ այդ ամենից սոսկալին է: Մեծերը, քարքարուտ, արիւնոտ ճամբաները անցել եկել են: Կանգ են առել: Սեղմել են իրենց սրտի դէմ սառը մի բան: Փակել են իրենց ներքին աչքը եւ կուրօրէն գնում են: Բայց երախանե՞րը: Նրանք, որ ամէն երեւոյթների առջեւ լարերը տեղը դրած ջութակի նման են՝ մեղեդի, երգ... Ու յանկարծ, այդպիսի յոռետեսութիւն, այդ գիտակի իրենց ձեռքերի մէջ եւ այդ իմաստուն ժպիտը իրենց շրթունքների երկու ծայրերին:

Երախաների աչքերի մէջ դրուած են ապագայ բոլոր գժբախտութիւնները: Թեթեւ մի ակնարկով այդ կարելի է տեսնել ամէն տեղ, փողոցներում, առուների մէջ, դպրոցական նրատարանների վրայ: Սաղում են, առեւտուր են անում, լկտի խօսքեր են ասում, ու ճակատագիրը նրանց սրտի մէջ, ամէն տեղ, ամէն մի վայրկեան ներկայ է: Փողոցի երախաները, խուժանք, երեսի վրայ լքուած այս անիշխանականները, վազվզում են փլած տուների շուրջը, կողոպուտի գնում, մաքուր հագնուած երախաներին ծեծում, գիւղայինների՝ ձեռքից հայ խլում, ցրտի դէմ մաքառող թռչունների պէս կտուցները պատուհաններին զարնում ու